



Republika e Kosovës
Republika Kosova - Republic of Kosovo
Kuvendi - Skupština - Assembly

Legjislatura V

Sesioni vjeshtor

Komisioni për Arsim, Shkencë, Teknologji, Kulturë, Rini dhe Sport

Mbledhja nr.69

Prishtinë, më 14.11.2016, në orën 10:00

Ndërtesa e Kuvendit, salla S-II

PROCESVERBAL

Në mbledhje morën pjesë: Nait Hasani, kryetar, Salih Morina, Bekim Haxhiu, Ismajl Kurteshi Shpejtim Bulliqi dhe Teuta Haxhiu.

Munguan Sërgjan Popoviq, Shukrije Bytyçi dhe Mufera Shinik.

Përfaqësues të ftuar: Xhevdet Smakiqi, ekspert i angazhuar i Komisionit.

Përfaqësues të tjerë: Përfaqësues të Demokracia Plus, KDI-së dhe mediat.

Stafi Mbështetës i Komisionit: Lule Ymeri dhe Shaip Goxhuli.

Mbledhjen e kryesoi Nait Hasani, kryetar i Komisionit.

Për këtë mbledhje u propozua ky

Rend i ditës:

1. Miratimi i rendit të ditës;
2. Miratimi i Procesverbaleve të datës 1.11.2016 dhe 7.11.2016;
2. Shqyrtimi i Projektligjit për parandalimin dhe sanksionimin e dhunës në ngjarjet sportive;
3. Të ndryshme.

Kryetari konstatoi se janë plotësuar kushtet për fillimin e punës së Komisionit dhe e hapi mbledhjen sipas rendit të ditës.

1. Miratimi i rendit të ditës;

Rendi i ditës u miratua pa vërejtje.

2. Miratimi i Procesverbaleve të datës 1.11.2016 dhe 7.11.2016;

Procesverbalet nga mbledhjet e mbajtura më 1.11.2016 dhe 7.11.2016, u miratuan pa vërejtje.

3. Shqyrtimi i Projektligjit për parandalimin dhe sanksionimin e dhunës në ngjarjet sportive;

Nait Hasani tha se lidhur me Projektligjin për parandalimin dhe sanksionimin e dhunës në ngjarjet sportive, Komisioni ka filluar me shqyrtimin dhe amendamentimin në mbledhjen e kaluar, më 7.11.2016, janë propozuar disa amendamente, ndërsa mbetet të shqyrtohen dhe propozimet e ekspertit si dhe komentet që janë dhënë nga grupet e interesit lidhur me këtë Projektligj.

Me propozimin dhe sugjerimin e ekspertit, titullit të Projektligjit i shtohen fjalët: **dhe dukurive negative**”.

Ky propozim u përkrah nga anëtarët e Komisionit.

Anëtarët e Komisionit vazhduan me shqyrtimin nen për nen të Projektligjit, dhe u propozuan këto amendamente:

Amendamenti 1

Ne titullin e Projektligjit pas fjalës “**dhunës**” shtohet fjalia ” **dhe dukurive negative**”.

Amendamenti 2

Neni 1 paragrafi 1 riformulohet si vijon:

1.Me këtë Ligj përcaktohen masat për parandalimin, sanksionimin e dhunës dhe dukurive negative në ngjarjet sportive.

2. Obligimet e organizatorit të ngjarjeve sportive, kompetencat e organeve zyrtare për shqiptimin e masave për parandalimin, sanksionimin e dhunës në ngjarjet sportive, kurdisjeve dhe dukurive tjera.

Amendamenti 3

Ne nenin 2, pas nënparagrafit 1.14, shtohet nënparagraf i ri si vijon:

1.15. Kurdisje - veprim që në mënyre të drejtpërdrejtë apo të tërthortë kufizon, dëmton apo eliminon konkurrencën reale në garat sportive, përmes kurdisjeve të rezultateve të ndërlidhura me bastoret sportive.

Amendamenti 4

Neni 3 paragrafi 2, fjala ”pikën” zëvendësohet me fjalën “paragrafin”.

Amendamenti 5

Titulli i nenit 4 riformulohet:

Dhuna, sjelljet e palejuara, dukuritë negative dhe kurdisjet në ngjarjet sportive

Amendamenti 6

Neni 4, nënparagrafi 1.7, pas fjalës “sportiv” shtohet teksti” dhe terrenit sportiv”

Amendamenti 7

Neni 4 nënparagrafi 1.10, riformulohet si vijon:

1.10. Futja dhe përdorimi i mjeteve piroteknike, mjeteve të forta dhe mjeteve tjera në objektet sportive përdorimi i të cilave mund të shkaktojnë pasiguri të pjesëmarrësve në ngjarje sportive;

Amendamenti 8

Ne nenin 4, pas nënparagrafit 1.12, shtohen dy nënparagrafë të ri si vijon:

1.13. Udhëheqësit, zyrtarët, KOK-u anëtarët e Federatave, klubeve sportive, apo organizatori i ngjarjes sportive, janë të obliguar të ndërmarrin masat e nevojshme që në çdo garë vendore dhe ndërkombëtare sportive, rezultatet të jenë mbi parimin e konkurrencës reale të drejtë dhe sipas meritës.

1.14. Udhëheqësit, zyrtarët e KOK-ut, anëtarët federatave, klubeve sportive dhe organizatori i ngjarjes sportive, janë përgjegjës, që të parandalojnë çdo dukuri negative të manipulimit dhe kurdisjes së rezultateve në garat sportive vendore dhe ndërkombëtare.

Amendamenti 9

Kapitulli II riformulohet:

Masat për parandalimin e dhunës, sjelljeve të palejuara, dukurive negative dhe kurdisjeve në ngjarjet sportive

Amendamenti 10

Neni 5 paragrafi 1, riformulohet si vijon:

1. Me qëllim të parandalimit të dhunës, sjelljeve të palejuara, dukurive negative, manipulimeve dhe kurdisjeve në ngjarjet sportive, udhëheqësit, zyrtarët e KOK-ut, anëtarët e federatave, klubeve sportive dhe organizatori i ngjarjes sportive janë të obliguar që:

Neni 5 nënparagrafi 1.5, fjala “shkuarjes” zëvendësohet me fjalën “pjesëmarrjen”

Neni 5 pas nënparagrafit 1.5, shtohen nënparagrafi i ri si vijon:

1.6. Të njoftojnë me shkrim organet zyrtare Policinë e Kosovës, Prokurorinë e Shtetit dhe Këshillin Kombëtar për parandalimin e dhunës, sjelljeve të palejuara, dukurive negative dhe kurdisjeve në ngjarjet sportive.

1.7. Te raportojnë me shkrim për rastet kur ka informata për manipulimin apo kurdisjen e ndeshjes sportive. Raporti iu dërgohet brenda 15 ditëve organeve kompetente sipas nënparagrafit 1.6 të këtij neni.

1.8. Të caktojnë zyrtarë apo kompani profesionale monitoruese vendore ose ndërkombëtare për monitorimin e ngjarjeve sportive në federatat përkatëse.

Amendamenti 11

Neni 6 nënparagrafi 2.1, fjala “**në objektin**” zëvendësohet me fjalën “**nga objekti**”

Amendamenti 12

Neni 6 nënparagrafi 1.8, pas fjalës “**kujdestar**” shtohet fjala: “**i sigurisë**”

Amendamenti 13

Pas nenit 6, shtohet neni i ri si vijon:

Këshilli Kombëtar për parandalimin dhe sanksionimin e dhunës dhe dukurive negative në ngjarjet sportive

Anëtarët e Komisionit u pajtuan që të vazhdohet me amendamentimin e Projektligjit në mbledhjen e radhës.

4. Të ndryshme

Për këtë pikë të rendit të ditës nuk pati diskutime.

Mbledhja përfundoi në orën 12:45.

Kryetari i Komisionit,

Nait Hasani